

第〇一七册

曆象彙編

歲功典

元旦部

人日部

上元部

仲春部

仲春部

社日部

(卷)

三—四

三

三—六

三—三

三

古今圖書集成

中華書局影印

欽定古今圖書集成曆象彙編歲功典

第二十一卷目錄

元旦部彙考一

後漢 則一則 安帝永初一則 順帝永建一則

晉 武帝咸寧一則

南齊 則一則

梁 則一則 武帝天監一則

陳 則一則

北魏 高祖太和一則

北齊 則一則

隋 則一則

唐 元宗開元一則

遼 則一則

宋 太祖建隆一則 乾德一則 太宗淳化一則 仁宗天聖一則 神宗元豐一則 哲宗元祐一則 徽宗政和一則 高宗紹興一則 孝宗淳熙二則 世宗大定一則

金 則一則

元 則一則

明 太祖洪武一則 世宗嘉靖一則

歲功典第二十一卷

元旦部彙考一

後漢

後漢天子元旦幸德陽殿受朝賀大宴羣臣賜觀諸伎樂

按後漢書禮儀志每月朔歲首爲大朝受賀其儀夜漏未盡七刻鐘鳴受賀及贊公侯璧中二千石二千石羔千石六百石雁四百石以下雉百官賀正月二千石以上上殿稱萬歲舉觴御坐前司空奉羹大司

農奉飯奏食畢之樂百官受賜宴饗大作樂其每朔唯十月旦從故事者高祖定秦之月元年歲首也

按禮儀志注蔡質漢儀正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陞觀庭燎宗室諸劉雜食萬人以上立西面位定公納薦太官賜食酒西人東出既定上壽計吏中庭北面立太官上食賜羣臣酒食貢事御史四人執法殿下虎賁羽林弧弓最矢陛戟左右戎頭偏

脛陪前向後左右中郎將住東西羽林虎賁將住東北五官將住中央悉坐就賜作九賓徹樂舍利從西方來戲于庭極乃畢入殿前激水化爲比目魚跳躍嗽水作霧障日畢化成黃龍長八丈出水遊戲于庭炫耀日光以兩大絲繩繫兩柱中頭間相去數丈兩倡女對舞行於繩上對面道逢切肩不傾又踴躍出身藏形於斗中鐘磬並作樂畢作魚龍曼延小黃門吹三通謁者引公卿羣臣以次拜微行出罷卑官在前尊官在後德陽殿周旋容萬人陛高二丈皆文石作壇激沼水於殿下畫屋朱梁玉階金柱刻鏤作宮掖之好厠以青翡翠一柱三帶縹以赤緹天子正旦節會朝百官於此

安帝永初四年春正月元會徹樂

按後漢書安帝本紀永初四年春正月元日會徹樂不陳充庭車

注 每大朝會必陳乘輿法物車輦於庭故曰充庭車也以年饑故不陳

順帝永建四年春正月元且詔赦天下下寬和之令

按後漢書順帝本紀永建四年春正月丙寅詔曰朕

託王公之上涉道日寡政失厥中陰陽氣隔寇盜肆暴庶獄彌繁憂悴未歎疾如疾首詩云君子如祉亂庶幾已三朝之會期旦立春嘉與海內洗心自新其赦天下從甲寅赦令以來復秩屬籍三年正月已來還贖其園顯江京等知識婚姻禁錮一原除之務崇寬和敬順時令遵典去苛以稱朕意

晉 武帝咸寧 年定元會之儀

按晉書武帝本紀不載 按禮志漢儀有正會禮正旦夜漏未盡七刻鐘鳴受賀公侯以下二千石以上升殿稱萬歲然後作樂宴饗魏武帝都鄴正會文昌殿設百華燈晉受命武帝定元會儀咸寧注是也咸寧注先正一日有司各宿設夜漏未盡十刻羣臣集到庭燎起火上賀起謁報又賀皇后還從雲龍東中華門入詣東閣下便坐漏未盡七刻百官及受贊郎官以下至計吏皆入立其次其陛衛者如臨軒儀漏未盡五刻謁者僕射大鴻臚各奏羣臣就位定漏盡侍中奏外辦皇帝出鐘鼓作百官皆拜伏太常導皇帝升御坐鐘鼓止百官起大鴻臚跪奏請朝賀掌禮郎讚皇帝延王登大鴻臚跪讚藩王臣某等奉白璧各一再拜賀太常報王悉登謁者引上殿當御坐皇帝與王再拜皇帝坐復再拜跪置壁御坐前復再拜成禮訖謁者引下殿還故位掌禮郎讚皇帝延太尉等于是公特進劔奴南單于金紫將軍當大鴻臚西中二千石二千石千石六百石當大行令西省北面伏鴻臚跪讚太尉中二千石等奉璧皮帛羔鴈雉再拜賀太常讚皇帝延公等登掌禮引公至金紫

將軍上殿皇帝與皆再拜皇帝坐又再拜跪置壁皮帛御坐前復再拜成禮訖謁者引下殿還故位公置璧成禮時大行令並讀殿下二千石以下同成禮訖以贊授贊郎郎以璧帛付諸謁者羔鴈雉付太官

太樂令跪奏雅樂樂以次作乘黃令乃出車皇帝罷入百官皆坐畫漏上水六刻諸蠻夷胡客以次入皆再拜訖坐御入後三刻又出鐘鼓作謁者僕射跪奏

請羣臣上謁者引王公二千石上殿千石六百石停本位謁者引王詣樽酌壽酒跪授侍中侍中跪置御

坐前王還王自酌置位前謁者跪奏藩王臣某等奉觴再拜上千萬歲四廂樂作百官再拜已飲又再拜

謁者引王等還本位陛下者傳就席羣臣皆跪諾侍中中書令尚書令各於殿上上壽酒登歌樂升太官

又行御酒御酒升階太官令跪授侍郎侍郎跪進御坐前乃行百官酒太樂令跪奏奏登歌三終乃降太

官令跪請具御飯到階羣臣皆起太官令持羹跪授司徒持飯跪授大司農尚食持羹並授持節持節跪

進御坐前羣臣就席太樂令跪奏奏食舉樂太官行百官飯案遍食畢太樂令跪奏請進樂樂以次作鼓

吹令又前跪奏請以次進樂妓乃召諸郡計吏前受敕戒于階下宴樂畢謁者一人跪奏請罷退鐘鼓作

羣臣北面再拜出然則夜漏未盡七刻謂之晨賀晝漏上三刻更出百官奉壽酒謂之晝會別置女樂三

十人於黃帳外奏房中之歌江左多虞不復晨賀夜漏未盡十刻開宣陽門至平旦始開殿門晝漏上五

刻皇帝乃出受賀皇太子出會者則在三格下王公上正旦元會設白獸樽於殿庭樽蓋上施白獸若有

能獻直言者則發此樽飲酒案禮白獸樽乃杜舉之遺式也爲白獸蓋是後代所爲示忌憚也

南齊

齊循宋舊元旦朝會多仍東晉江左之禮

按南齊書禮志漢末蔡邕立漢朝會志竟不就秦人以十月旦爲歲首漢初習以大饗會後用夏正饗會

猶未廢十月旦會也東京以後正旦夜漏未盡七刻鳴鐘受賀公侯以下執贊來庭二千石以上升殿稱

萬歲然後作樂宴饗張衡賦云皇輿風駕登天光於扶桑然則雖云風駕必辨色而行事矣魏武都鄴正

會文昌殿用漢儀又設百華燈後魏文修洛陽宮室權都許昌宮殿狹小元日於城南立甍殿青帷以爲

門設樂饗會後還洛陽依漢舊事晉武帝初更定朝會儀夜漏未盡十刻庭燎起火羣臣集傳元朝會賦

云華燈若平火樹燦百枝之煌煌此則因魏儀與庭燎並設也漏未盡七刻羣臣入白賀未盡五刻就本

位至漏盡皇帝出前殿百官上賀如漢儀禮畢罷入羣臣坐謂之晨賀晝漏上三刻更出百官奉壽酒大

饗作樂謂之晝會別置女樂三十人於黃帳外奏房中之歌江左多虞不復晨賀夜漏未盡十刻開宣陽

門至平旦始開殿門晝漏上五刻皇帝乃出受賀朱世至十刻乃受賀其餘升降拜伏之儀及置立后妃

王公已下祠祀夕牲拜授拜祭皆有儀注文多不載

梁

梁元會損益魏晉之禮

按隋書禮儀志梁元會之禮未明庭燎設文物充庭臺門闕禁衛皆嚴有司各從其事太階東置白獸樽

羣臣及諸蕃客並集各從其班而拜侍中奏中嚴王公卿尹各執珪璧入拜侍中乃奏外辦皇帝服袞冕

乘輿以出侍中扶左常侍扶右黃門侍郎一人執曲直華蓋從至階降輿納鳥升坐有司御前施奉珪藉

王公以下至阼階脫鳥劍升殿席南奉贊珪璧畢下殿納鳥佩劍詣本位主客郎從珪璧於東廂帝與入

徒御坐於西壁下東向設皇太子王公已下位又奏中嚴皇帝服通天冠升御坐王公上壽禮畢食食畢

樂伎奏太官進御酒主書賦黃甘速二品已上尚書驍騎引計吏郡國各一人皆跪受詔侍中讀五條詔

計吏每應詔訖令陳便宜者聽詣白獸樽以次還坐宴樂罷皇帝乘輿以入皇太子朝則遠遊冠服乘金

輅鹵簿以行預會則劍履升坐會訖先典又按志東宮元會儀注太子升崇正殿不欲東西階責東宮

典儀列云太子元會升自西階此則相承爲謬請自今東宮大公主太子升崇正殿並由阼階

武帝天監六年始改元日宴會東向之禮爲南向更定受玉及乘輿升殿之制

按梁書武帝本紀不載按隋書禮儀志天監六年詔曰頃代以來元日朝畢大會羣臣則移就西壁下

東向坐求之古義王者譙萬國唯應南面何更居東面於是御座南向以西方爲上皇太子以下在北壁坐者悉西邊東向尚書令以下在南方坐者悉東邊

客曹則既家宰隸職今元日五等獎玉既竟請以主客郎受鄭元注觀禮云既受之後出付玉人於外漢時少府職主珪璧請主客受玉付少府掌帝從之又尚書僕射沈約議正會儀注御出乘輿至太極殿前納扇升階尋路寢之設本是人君居處不容自敬官室案漢氏則乘小車升殿請自今元正及大公事御宜乘小輿至太極階仍乘板輿升殿制可

陳

陳朝會多依梁制令官人得隔綺疏而觀按隋書禮儀志陳制先元會十日百官並習儀注令僕已下悉公服監之設庭燎街闕城上殿前皆嚴兵百官各設部位而朝官人皆於東堂隔綺疏而觀宮門既無籍外人但絳衣者亦得入觀是日上事人發白獸樽自餘亦多依梁禮云

北魏

高祖太和元年春正月元旦下詔改元

按魏書高祖本紀太和元年春正月乙酉朔詔曰朕風承實業懼不堪荷而天貺具臻地瑞並應風和氣晚天人交協豈朕冲昧所能哉哉實賴神祇七廟降福之助今三正告初祗感交切宜因陽始協典革元其改今號爲太和元年

北齊

北齊以元會日慰勞郡國計吏試其優劣大饗羣臣中宮朝會賜食如外朝禮

按隋書禮儀志後齊正日侍中宣詔慰勞州郡國使詔牘長一尸三寸廣一尺雌黃塗飾上寫詔書三計會日侍中依儀勞郡國計吏問刺史太守安不及穀

價麥苗善惡人間疾苦又班五條詔書於諸州郡國使人寫以詔牘一枚長二尺五寸廣一尺三寸亦以雌黃塗飾上寫詔書正會日依儀宣示使人歸以告刺史二千石一日政在正身在愛人去殘賊擇良吏主決獄平徭賦二日人生在勤勤則不置其勸率田桑無或煩擾三日六極之人務加寬養必使生有以自救沒有以自給四日長吏華浮奉客以求小譽逐末捨本政之所疾宜謹察之五日人事意氣干亂奉公外內洞渙綱維不設所宜糾劾正會日侍中黃門宣詔勞諸郡上計勞訖付紙遣陳土宜字有脫誤者呼起席後立書述謏劣者飲墨水一升文理孟浪無可取者奪客刀及席既而本曹郎中考其文迹才辭可取者錄牒吏部簡同流外三品敘元正大饗百官一品已下流外九品已上預會一品已下正三品已上開國公侯伯散品公侯及特命之官下逮刺史並升殿從三品已下從九品已上及奉正使人比流官者在階下動品已下端門外又按志後齊元日中宮朝會陳樂皇后祿衣乘輿以出於昭陽殿坐定內外命婦拜皇后與妃主皆跪皇后坐妃主皆起長公主一人前跪拜賀禮畢皇后入室乃移幄坐於西廂皇后改服綸狄以出坐定公主一人上壽訖就坐御酒食賜爵並如外朝會

隋

隋元會悉如後齊制又定皇后受賀之禮

按隋書禮儀志隋制正旦及冬至文物充庭皇帝出西房即御座皇太子鹵簿至顯陽門外入賀復詣皇后御殿拜賀訖還宮皇太子朝訖羣官客使入就位

再拜上公一人詣西階解劍升賀降階帶劍復位而拜有司奏諸州表群官在位者又拜而出皇帝入東房有司奏行事訖乃出西房坐定群官入就位上壽訖上下俱拜皇帝舉酒上下舞蹈三稱萬歲皇太子預會則設坐於御東南西向羣臣上壽畢入解劍以升會訖先典又按志隋儀如後齊制又有皇后受羣臣賀禮則皇后御坐而內侍受羣臣拜以入承令而出羣臣拜而罷

唐

元宗開元 年定元旦朝賀之禮

按唐書元宗本紀不載按禮樂志皇帝元正受羣臣朝賀而會前一日尚舍設御幄於太極殿有司設羣官客使等次於東西朝堂展縣置案陳車輿又設解劍席於縣西北橫街之南文官三品以上位橫街之南道東裏寧侯位三品之下介公鄴公位於道西武官三品以上位介公之西少南文官四品五品位於縣東六品以下位橫街之南又設諸州朝集使位都督刺史三品以上位文武官三品之東西四品以下分方位文武官當品之下諸州使人又於朝集使之下諸親於四品五品之南設諸蕃方客位三等以上東方南方在東方朝集使之東西方北方在西方朝集使之西每國異位重行北面四等以下分方位於朝集使六品之下又設門外位文官於東朝堂介公鄴公在西朝堂之前武官在介公之南少退每等異位重行諸親位於文武官四品五品之南諸州朝集使東方南方位宗親之南使人分方於朝集使之下諸方客東方南方在東方朝集使之南西方北方

在西方朝集使之南每國異位重行其日將士填諸街勒所部別黃麾大仗屯門及陳於殿庭羣官就次侍中版奏請中嚴諸侍衛之官詣閣奉迎吏部兵部主客戶部贊羣官客使俱出次通事舍人各引就朝堂前位引四品以下及諸親客等應先置者入就位侍中版奏外辦皇帝服衰冕冬至則服通天冠絳紗袍御輿出自西房即御座南向坐符寶郎奉寶置於前公王以下及諸客使等以次入就位典儀曰再拜贊者承傳在位者皆再拜上公一人詣西階席脫烏跪解劍置於席升當御座前北面跪賀稱某官臣某言元正首祚景福惟新伏惟開元神武皇帝陛下與天同休乃降階詣席跪佩劍俛伏興納烏復位在位者皆再拜侍中前承詔降詣羣官東北西面稱有制在位者皆再拜宣制曰履新之慶與公等同之在位者皆再拜舞蹈三稱萬歲又再拜初羣官將朝中書侍郎以諸州鎮表別爲一案俟於右延明門外給事中以祥瑞案俟於左延明門外侍郎給事中俱就侍臣班初入戶部以諸州貢物陳于太極門東西廊禮部以諸蕃貢物可執者蕃客執入就位其餘陳於朝堂前上公將入門中書侍郎給事中皆降各引其案入詣東西階下立上公將升賀中書令黃門侍郎俱降各立取所奏之文以次升上公已賀中書令前跪奏諸方表黃門侍郎又進跪奏祥瑞俱降置所奏之文於案侍郎與給事中引案退至東西階前案出初侍中已宣制朝集使及蕃客皆再拜戶部尚書進詣階前跪奏稱戶部尚書臣某言諸州貢物請付所司侍中前承制退稱制曰可禮部尚書以次進詣階

間跪奏稱禮部尚書臣某言諸蕃貢物請付所司侍中前承制退稱制曰可太府帥其屬受諸州及諸蕃貢物出歸仁納義門執物者隨之典儀曰再拜通事舍人以次引北面位者出侍中前跪奏稱侍中臣某言禮畢皇帝降坐御輿入自東房侍臣從至閣引東西面位者以次出蕃客先出冬至不奏祥瑞無諸方表其會則太樂令設登歌於殿上二舞入立於縣南尚舍設羣官升殿者坐文官三品以上於御座東南西向介公鄺公在御座西南東向武官三品以上又於其後朝集使都督刺史蕃客三等以上座如立位設不升殿者座各於其位又設羣官解劍席於縣之西北橫街之南尚舍設壽尊於殿上東序之端西向設站於尊南加爵一太官令設升殿者酒尊於東西廂近北設在庭羣官酒尊各於其座之南皆有站幕俱障以帷吏部兵部戶部主客贊羣官客使俱出次通事舍人引就朝堂前位又引非升殿者次入就位侍中版奏外辦皇帝改服通天冠絳紗袍御輿出自西房即御座典儀一人升就東階上通事舍人引公王以下及諸客使以次入就位侍中進當御座前北面跪奏稱侍中臣某言請延諸公王等升又侍中稱制曰可侍中詣東階上西面稱制延公王等升殿上典儀承傳階下贊者又承傳在位者皆再拜應升殿者詣東西階至解劍席脫烏解劍升上公一人升階少東西面立於座後光祿卿進詣階間跪奏稱臣某言請賜羣臣上壽侍中稱制曰可光祿卿退升詣酒尊所西向立上公詣酒尊所北面尚食酌酒一爵授上公上公受爵進前北面授殿中監殿中監受爵進

置御前上公退北面跪稱某官臣某等稽首言元正首祚臣某等不勝大慶謹上千秋萬歲壽再拜在位者皆再拜立於席後侍中前承制退稱敬舉公等之觴在位者又再拜殿中監取爵奉進皇帝舉酒在位者皆舞蹈三稱萬歲皇帝舉酒訖殿中監進受虛爵以授尚食尚食受爵於坳初殿中監受虛爵殿中典儀唱再拜階下贊者承傳在位者皆再拜上公就座後立殿中典儀唱就座階下贊者承傳俱就座歌者琴瑟升坐笙管立階間尚食進酒至階殿上典儀唱酒至與階下贊者承傳坐者皆俛伏起立於席後殿中監到階省酒尚食奉酒進皇帝舉酒太官令又行羣官酒酒至殿上典儀唱再拜階下贊者承傳在位者皆再拜摺笏受解殿上典儀唱就座階下贊者承傳皆就座皇帝舉酒尚食進受虛爵復於坳觴行三周尚食進御食食至階殿上典儀唱食至與階下贊者承傳坐者皆起立座後殿中監到階省案尚食品賞食訖以次進置御前太官令又行羣官案設食訖殿上典儀唱就座階下贊者承傳皆就坐皇帝乃飯上下俱飯御食畢仍行酒遂設羞二舞作若賜酒侍中承詔詣東階上西面稱賜酒殿上典儀承傳階下贊者又承傳坐者皆起再拜立受解就席坐飲立授虛爵又再拜就座酒行十二遍會畢殿上典儀唱可起階下贊者承傳上下皆起降階佩劍納烏復位在殿庭者仍立於席後典儀曰再拜贊者承傳在位者皆再拜若有賜物侍中前承制降詣羣官東北西面稱有制在位者皆再拜侍中宣制又再拜以次出侍中前跪奏稱侍中臣某言禮畢皇帝與御輿入

自東房東西面位者以次出

遼

遼以元旦受群臣朝賀仍率群臣詣皇太后行禮
按遼史禮志正旦朝賀儀臣僚並諸國使昧爽入朝
奏班齊皇帝升殿坐契丹舍人殿上通訖引契丹臣
僚東洞門入引漢人臣僚並諸國使西洞門入合班
舞蹈五拜鞠躬躬身引親王東階上殿欄內褥位俛
伏跪自通全衛臣某等祝壽訖伏興退引東階下殿
復位舞蹈五拜畢鞠躬宣徽使殿上鞠躬奏臣宣答
稱有敕班首以下聽制訖再拜鞠躬宣徽傳宣云履
新之慶與公等同之舍人贊謝宣諭拜舞蹈五拜贊
各祇候分班引出引班首西階上殿奏表目訖教坊
起居賀十二拜畢贊各祇候引契丹漢人臣僚並諸
國使東西洞門入合班再拜贊進酒引親王東階上
殿就欄內褥位指笏執臺進酒訖退復褥位置臺
出笏少前俯跪自通全衛臣某等謹進千萬歲壽酒
俯伏興退復褥位與殿下臣僚皆再拜鞠躬候宣徽
使殿上鞠躬奏臣宣答稱有制親王以下再拜如初
儀傳宣云飲公等壽酒與公等內外同慶舍人贊謝
宣諭如初贊各祇候親王指笏執臺殿下臣僚分班
皇帝飲酒教坊奏樂殿上下臣僚皆拜稱萬歲贊各
祇候樂止教坊再拜皇帝卒飲親王進受復復褥位
置臺出笏揖臣僚合班引親王東階下殿復位鞠躬
躬再拜贊各祇候分班引出皇帝起詣皇太后殿臣
僚並諸國使皆從皇太后升殿皇帝東方側坐引契
丹漢人臣僚並諸國使兩洞門入班稱賀進酒皆如
皇帝之儀畢引出教坊入起居進酒亦如之皇太后

宣答稱聖旨契丹班謝宣宴上殿就位立漢人臣僚
並諸國使東洞門入丹墀東方面西鞠躬舍人鞠躬
通文武百僚宰臣某以下謝宣宴再拜出班致詞訖
退復位舞蹈五拜贊各上殿祇候引宰臣以下並諸
國使訓方欄架殿臣僚西階上殿就位立不應坐臣
僚並於西洞門出二人監踐教坊再拜贊各上階下
殿謝宴如皇太后生辰儀 又按樂志正月朔日朝
賀用宮懸雅樂元會用大樂曲破後用散樂角觚終
之是夜皇帝宴飲用國樂

宋

太祖建隆二年正月朔上詣太后宮門稱慶始受朝
賀於崇元殿

按宋史太祖本紀建隆二年春正月丙申朔上詣太
后宮門稱慶 按禮志太祖建隆二年正月朔始受
朝賀於崇元殿服袞冕設宮懸侍衛如儀仗退羣臣
詣皇太后宮門奉賀帝常服御廣德殿群臣上壽用
教坊樂

乾德四年春受朝賀羣臣上壽始用樂歌二舞

按宋史太祖本紀不載 按禮志乾德四年於朝元
殿賀畢常服御大明殿群臣上壽始用雅樂登歌二
舞羣臣酒五行罷

太宗淳化三年春正月朔命有司定上壽儀

按宋史太宗本紀不載 按禮志太宗淳化三年正
月朔命有司約開元禮定上壽儀皆以法服行禮設
宮縣萬舞酒三行罷

仁宗天聖五年春正月朔率百官上皇太后壽酒畢
乃受朝天安殿

按宋史仁宗本紀天聖五年春正月壬寅朔初率百
官上皇太后壽於會慶殿遂御天安殿受朝 按禮
志仁宗天聖四年十二月詔明年正月朔先率百官
赴會慶殿上皇太后壽酒畢乃受朝天安殿仍令太
常禮院修定儀制五年正月朔曉漏未盡三刻宰臣
百官與遼使諸軍將校並常服班會慶殿內侍請皇
太后出殿後幄轎升坐又詣殿後皇帝幄引皇帝
出帝服鞞袍於簾內北何褥位再拜跪稱臣某言元
正啓祚萬物惟新伏惟尊號皇太后陛下膺時納祐
與天同休內常侍承旨答曰履新之祐與皇帝同之
帝再拜詣皇太后御坐稍東內給侍酌酒授內謁者
監進帝跪進訖以盤與內謁者監承接之帝却就褥
位跪奏曰臣某稽首言元正令節不勝大慶謹上千
萬歲壽再拜內常侍宣答曰恭舉皇帝壽酒帝再拜
執盤侍立教坊樂止皇帝受虛醴還幄通事舍人引
百官橫行典儀贊再拜舞蹈起居太尉升自西階稱
賀簾外降還位皆再拜舞蹈侍中承旨曰有制皆再
拜宣曰履新之吉與公等同之皆再拜舞蹈閣門使
簾外奏宰臣某以下進壽酒皆再拜太尉升自東階
翰林使酌御酒盡授太尉執盞盤跪進簾外內謁者
監跪接以進太尉跪奏曰元正令節臣等不勝慶忭
謹上千萬歲壽降還位皆再拜宣徽使承旨曰舉公
等觴皆再拜太尉升立簾外樂止內謁者監出簾授
虛盞太尉降階橫行皆再拜舞蹈宣徽使承旨宣羣
臣升殿再拜升及東西廂坐酒三行侍中奏禮畢退
樞密使以下迎乘輿於長春殿起居稱賀百官就朝
堂易朝服班天安殿朝賀帝袞冕受朝禮官通事

舍人引中書令門下侍郎各於案取所奏文詣褥位脫劍舄以次升分東西立諸方鎮表祥瑞案先置門外左右令使絳衣對舉給事中押祥瑞中書侍郎押表案入分詣東西階下對立既賀更服通天冠絳紗袍稱觴上壽止舉四爵乘輿還內恭謝太后如常禮神宗元豐元年命定元會儀注

按宋史神宗本紀元豐元年十一月己丑命龍圖閣直學士宋敏求等詳定正旦御殿儀注按禮志神宗元豐元年詔龍圖閣直學士史館修撰宋敏求等詳定正殿御殿儀注敏求遂上朝會儀二篇令式四十篇詔頒行之其制元正大朝會有司設御坐大慶殿東西房于御坐之左右少北東西閣于殿後百官宗室客使次于朝堂之內外五輅先陳于庭兵部設黃麾仗于殿之內外大樂令展宮架之樂于橫街南鼓吹令分置十二案于宮架外協律郎二人一位殿上西階之前楹一位宮架西北俱東向陳輿輦御馬于龍墀繳扇于沙墀貢物于宮架南餘則列大慶門外陳布將士于街左右金吾六軍諸衛勒所部列黃麾大仗于門及殿庭百僚客使等俱入朝文武常參官朝服陪位官公服近仗就陳于閣外大樂令樂工協律郎入就位中書侍郎以諸方鎮表案給事中以祥瑞案俟于大慶門外之左右諸侍衛官各服其器服輦出至西閣降輦符寶郎奉寶詣閣門奉迎百官客使陪位官俱入就位侍中版奏中嚴又奏外辦殿上鳴鞭官縣撞黃鐘之鐘右五鐘皆應內侍承旨索扇扇合帝服通天冠絳紗袍御輿出協律郎舉麾奏乾安樂鼓吹振作帝出自西房降輿即坐扇開殿下

鳴鞭協律郎偃麾樂止爐烟升符寶郎奉寶置御坐前中書侍郎給事中押表案祥瑞案入詣東西階下對立百官宗室及遠使班分東西以次入正安樂作就位樂止押樂官歸本班起居畢復案位三師親王以下及御史臺外正任遠使俱就北向位典儀贊在位者皆再拜起居訖太尉將升中書令門下侍郎俱降西階下立太尉詣西階下解劍脫舄升殿中書令門下侍郎各於案取所奏之文詣褥位解劍脫舄以次升分東西立太尉詣御前北面跪奏文武百寮太尉具官臣某等言元正啓祚萬物咸新伏惟皇帝陛下應乾納祐與天同休伏與降階佩劍納舄還位在位官俱再拜舞蹈三稱萬歲再拜侍中進當御前承旨退臨階西向稱制宣答曰履新之慶與公等同之贊者曰拜舞蹈三稱萬歲橫行官分班立中書令門下侍郎升詣御坐前各奏諸方鎮表及祥瑞訖戶部尚書就承制位俛伏跪奏諸州貢物請付所司禮部尚書奏諸蕃貢物如之司天監奏雲物祥瑞請付史館皆如上儀侍中進當御坐前奏禮畢殿上承旨索扇殿下鳴鞭官縣撞黃鐘之鐘左五鐘皆應協律郎舉麾官縣奏乾安樂鼓吹振作帝降坐御輿入自東房扇開偃麾樂止侍郎奏解嚴百官退還大客使陪位官並退有司設食案太樂令設登歌殿上二舞入立于架南預坐當升殿者位御坐之前文武相向異位重行以北爲上非升殿者位于東西廊下尚食奉御設壽尊于殿東楹少南設玷于尊南加爵一有司設上下羣臣酒尊殿下東西兩侍衛官及執事者各立其位仗衛仍立俟上壽百官立班如朝賀儀侍

中版奏中嚴外辦聞鳴鞭索扇帝服通天冠絳紗袍御輿出東房樂作帝即坐扇開樂止贊拜畢光祿卿詣橫街南跪奏具官臣某言請允羣臣上壽與侍中承旨稱制可退舍人曰拜光祿卿再拜訖復位三師以下就位贊者曰拜在位者皆再拜三稱萬歲太尉升殿詣壽尊所北向尚食奉御酌御酒一爵授太尉授笏執爵詣前跪進帝執爵太尉出笏俛伏與少退跪奏文武百寮太尉具官臣某等稽首言元正首祚臣等不勝大慶謹上千萬壽俛伏與降復位贊者曰拜在位者皆再拜三稱萬歲侍中承旨退西向宣曰舉公等賜贊者曰拜在位者皆再拜三稱萬歲北向班分東西序立太尉自東階侍立舉第一爵和安樂作飲畢樂止太尉受虛爵復於階降階三師以下贊拜舞蹈稱萬歲如上儀侍中進奏侍中具官臣某言請延公王等升殿俯伏與降復位侍中承旨退稱有制贊者曰拜在位者皆再拜宣曰延公王等升殿贊者曰拜在位者皆再拜公王等詣東階侍立席後尚食奉御進酒殿中監省酒以進帝舉第二爵登歌作甘露之曲飲訖殿中監受爵樂止羣臣升殿就橫行位舍人曰各賜酒贊者曰拜羣官皆再拜三稱萬歲舍人曰就坐太官令行酒搢笏受酒宮縣作正安之樂文舞入立宮架北觴行一周凡行酒訖並太官令奏巡周樂止尚食進食升階以次置御坐前又設羣官食訖太官令奏食備太樂承引盛德升聞之舞入作三變止出殿中監進第三爵羣官立席後登歌作瑞木成文之曲飲訖樂止殿中承受虛爵舍人曰就坐羣官皆坐又行酒作樂進食如上儀太樂丞引

天下大定之無作三變止出殿中監進第四爵登歌奏嘉禾之曲如第三爵太官令行酒又一周樂止舍人曰可起百寮皆立席後侍中進御坐前跪奏禮畢俛伏與羣官俱降階復位贊者曰拜皆再拜舞蹈三稱萬歲起分班立殿上索扇扇合殿下鳴鞭太樂令撞製寶之鐘左右鐘皆應協律郎俯伏舉麾太樂令奏乾安之樂鼓吹振作帝降坐御輿入自東房扇開樂止侍中奏解嚴所司承旨放仗百寮再拜相次退

按東京夢華錄正旦大朝會車駕坐大慶殿有介胄長大人四人立於殿角謂之鎮殿將軍諸國使人入賀殿庭列法駕儀仗百官皆冠冕朝服諸路舉人解首亦士服立班其服二梁冠白袍青緣諸州進奏吏各執方物入獻諸國使人大遼大使頂金冠後簪尖長如大蓮葉服紫窄袍金蹀躞副使展裏金帶如漢服大使拜則立左足跪右足以兩手著右肩爲一拜副使拜如漢儀夏國使副皆金冠短小樣製服緋窄袍金蹀躞弔敦皆叉手展拜高麗與南番交州使人並如漢儀回紇皆長髯高鼻以正帛纏頭散披其服子闐皆小金花氍毹金絲職袍束帶並妻男同來乘駱駝氍毹銅鐸入貢三佛齊皆瘦脊纏頭緋衣上織成佛面又有南蠻五姓番皆椎髻烏氍毹並如僧人禮拜入見旋賜漢裝錦襖之類更有眞臘大理大石等國有時來朝貢其大遼使人在都亭驛夏國在都亭西驛高麗在梁門外安州巷同文館回紇于闐在禮賓院諸番國在瞻雲館或懷遠驛唯大遼高麗就館賜宴大遼使人朝見訖翼日詣大相國寺燒香次日

清南御苑射弓朝廷旋選能射武臣伴射就彼賜宴三節人皆與焉先列招箭班十餘於垛子前使人多用弩子射一裏無脚小幟頭子錦襖子遼人踏開弩子舞旋搭箭過與使人彼窺得端正止令使人發牙例本朝伴射用弓箭中的則賜開裝銀鞍馬衣著金銀器物有差伴射得捷京師市井兒遮路爭獻口號觀者如堵翼日使人朝辭朝退內前燈山已上綵其速如神

哲宗元祐八年春正月元會改立御馬於庭

按宋史哲宗本紀不載按禮志元祐八年太常博士陳祥道言貴人賤馬古今所同故觀禮馬在庭而侯氏升堂致命聘禮馬在庭而賓升堂私觀今元會儀御馬立于龍墀之上而特進以下立于庭是不稱尊賢才體群臣之意請改儀注以御馬在庭于義爲允

徽宗政和 年定皇太子元正受賀之禮

按宋史徽宗本紀不載按禮志皇太子元正冬至受群臣賀儀政和新儀前一日有司於東門外量地之宜設三公以下文武群官等次如常儀典儀設皇太子答拜褥位於階下南向又設文武群官版位於門之外其日禮直官舍人先引三公以下文武群臣以次入就位立定禮直官舍人引左庶子詣皇太子前跪請內嚴少頃又言外備內侍宴簾皇太子常服出次左右侍衛如常儀皇太子降階詣南向褥位典儀曰再拜贊者承傳曰再拜三公以下皆再拜皇太子答拜班首少前稱賀云元正首祚景福維新伏惟皇太子殿下與時同休賀訖少退復位左庶子前承

命詣羣臣前答云元正首祚與公等均慶典儀曰再拜班首以下皆再拜皇太子答拜訖禮直官通事舍人引三公以下文武百官以次出內侍引皇太子升階還次降簾侍衛如常儀少頃禮直官舍人引知樞密院官以下入就位立定內侍引皇太子降階詣南向褥位樞密以下參贊如上儀訖退次引師傅保賓客以下入就位參贊如上儀師傅保以下以次出內侍引皇太子升坐禮直官引文武百官入就位重行北向立典儀曰再拜在位官皆再拜左庶子少前跪言具官某言元正首祚伏惟皇太子殿下與時同休俛伏興復位典儀曰再拜在位者皆再拜分東西序立左庶子少前跪言禮畢左右近侍降簾皇太子降坐宮官退左右侍衛以次出

高宗紹興十五年春正月始復御大慶殿受朝賀如儀

按宋史高宗本紀紹興十五年春正月丁未朔御大慶殿初行大朝會禮按禮志紹興十二年十月臣僚言竊以元正一歲之首冬至一陽之復聖人重之制爲朝賀之禮焉自上世以來未之有改也漢高祖以五年卽位而七年受朝于長樂宮我太祖皇帝以建隆元年卽位受朝于崇元殿主上臨御十有六年正至朝賀初未嘗講艱難之際宜不遑暇茲者太母還宮國家大慶四方來賀宜惟其時欲望自今元正冬至舉行朝賀之禮以明天子之尊庶幾舊典不至廢墜禮部太常寺考定朝會之禮依國故事設黃麾大仗車輅法物樂舞等百寮服朝服再拜上壽宣王公升殿間飲三周詔自來年舉行十一月權禮部侍

郎王賞等言朝會之制正旦冬至及大慶受朝受賀係御大慶殿其文德紫宸垂拱殿禮制各有不同月朔視朝則御文德殿謂之前殿正衙仍設黃麾牛仗紫宸垂拱皆係側殿不設儀仗元正在近大慶殿之禮事務至多乞候來年冬至別行取旨詔從之明年閏門言依汴京故事遇行大禮則冬至及次年正旦朝會皆罷十四年九月有司言明年正旦朝會諸權以文德殿為大慶殿合設黃麾大仗五千二十七人欲權減三分之一合設八寶于御座之東西及登歌宮架樂舞諸州諸蕃貢物行在致仕官諸路貢土舉首並令立班詔從之十五年正旦御大慶殿受朝文武百官朝賀如儀

孝宗淳熙八年春正月御殿引見金使始率皇后皇太子至德壽宮行朝賀禮

按宋史孝宗本紀不載 按辟寒淳熙七年十二月廿八日南內遣御藥并後苑官管押進奉兩宮守歲合食劇金銀錢消夜歲軸果兒錦曆鍾炮爆仗羔兒法酒春牛花朵等就奏知太上元日欲先詣宮朝賀然後還內引見大金使人太上不許傳語官家至日可先引見使人訖却行到宮禮正月元日上坐紫宸殿引見使人訖即率皇后皇太子太子妃至德壽宮行朝賀禮進呈書本使人面貌姓名及館伴問答是歲太上聖壽七十有五舊歲欲行慶壽禮太上不許至是乃密進黃金酒器二千兩上侍太上於樺木堂香閣內說話宣喚棋待詔並小說人孫奇等十四人下棋兩局各賜銀絹供泛索訖官家恭請太上太后來就南內排當初二日早進膳訖遣太子到宮恭迎

兩殿并只用轎兒禁衛簇擁入內官家親王殿門恭迎親扶太上升轎至損齋進茶訖至清燕殿看書畫翫器約午初刻後苑供進醃酒十色熬煮午正三刻就凌虛閣排當三盞後至萼綠華堂看梅上進銀三萬兩會子十萬貫太上三宮中無用錢處不須得再三奏請止受三分之一未初刻雪天下正是臘前太上甚喜謂官家云今年正欠些雪可謂及時却甚好但恐長安有凍者上奏云已令有司比去歲倍數支散太上方命提舉官于本宮支犒官會照朝廷之數命近侍進酒宮裏上壽近臣獻詞云紫皇高宴仙臺雙成戲擊瓊苞碎何人爲把銀河水將甲兵都洗玉乾坤八荒同色了無塵翳喜冰消太液煖融鵲鵲端門曉班初退聖主憂民深意轉鴻鈞滿天和氣太平有象三宮二聖萬年千歲雙玉杯深五雲樓迴不妨頻醉看來不似飛花片片是豐年瑞太上大喜賜鍤金酒器二百兩細色段疋復古殿香羔法酒太后命本宮歌板色歌此曲進酒太上盡醉至更深宣轎兒入便門上親扶升輦還宮

淳熙十三年春正月帝率羣臣詣德壽宮行禮按宋史孝宗本紀淳熙十三年春正月庚辰朔率羣臣詣德壽宮行慶壽禮大赦文武臣僚並理三年磨勘免貧民丁身錢之半爲一百一十餘萬緡內外諸軍犒賜共一百六十萬緡 按禮志淳熙十三年春正月朔以太上皇帝聖壽八十帝率羣臣詣德壽宮行禮其儀注恩赦並如淳熙二年典故

按乾淳歲時記朝廷元日冬至行大朝會儀則百官冠冕朝服備法駕設黃麾仗三千三百五十人

之一用太常雅樂官架登歌太子上公親王宰執並赴紫宸殿立班進酒上千萬歲壽上公致辭樞密宣答及諸國使人及諸州入獻朝賀然後奏樂進酒賜宴此禮不能常行每歲禁中止是以三茅鐘鳴駕興上服幘頭玉帶靴袍先詣福寧殿龍墀及聖堂炷香用膳訖次至天章閣祖宗神御殿行酌獻禮次詣東朝奉賀復回福寧殿受皇后太子皇子公主貴妃至郡夫人內官大內已下賀賀畢駕始過大慶殿御史臺閣門分引文武百僚追班稱賀大起居十六拜致辭上壽樞密宣答禮畢放仗是日後苑排辦御筵于清燕殿用插食盤架午後修內司排辦晚筵于慶瑞殿用煙火進市食賞燈並如元夕

金

金以元旦受皇太子及臣僚客使朝賀上壽賜宴按金史禮志元日聖誕上壽儀皇帝陞御座鳴鞭報時畢殿前班小起居各復侍立位舍人引皇太子并臣僚使客合班入至丹墀舞蹈五拜平立閣使奏諸道表自皇太子以下皆再拜引皇太子升殿褥位指筓捧盞盤進酒皇帝受置於案皇太子退復褥位轉盤與執事者出筓二閣使齊揖入欄子內拜跪致詞云元正啓祚品物咸新恭惟皇帝陛下與天同休若聖節則云萬春令節謹上壽厄伏願皇帝陛下萬歲萬歲萬萬歲祝畢拜興復褥位同殿下羣僚皆再拜宣徽使稱有制在位者皆再拜宣答曰履新上壽與卿等內外同慶聖節則曰得卿壽酒與卿等內外同慶詞畢舞蹈五拜齊立皇太子指筓執盤臣僚分班敦坊奏樂皇帝舉酒殿上下侍立臣僚皆再拜皇太

子受虛盡退立褥位轉盤盞與執事者出笏左下殿樂止合班在位臣僚皆再拜分引與宴官上殿次引宋國人從至丹墀再拜不出班奏聖躬萬福再拜唱有敕賜酒食又再拜各祇候平立引左廊立次引高麗夏人從如上儀畢分引左右廊立御果牀入進酒皇帝飲則坐宴侍立臣皆再拜進酒官接盞還位坐宴官再拜復坐行酒傳宣立飲訖再拜坐次從人再拜坐三盞致語揖臣使并從人立誦口號畢坐宴侍立官皆再拜坐次從人再拜坐食入七盞曲將終揖從人立再拜畢引出聞曲時揖臣使起再拜下殿果牀出至丹墀合班謝宴舞蹈五拜各祇候分引出世宗大定二年定皇太子正旦生日受賀之儀

按金史世宗本紀不載按禮志大定二年命有司議親王百官妃主命婦見皇太子禮有司按唐宋舊儀擬親王宗室賀皇太子依冊畢受賀禮然唐禮元正復有降階見伯叔答羣官再拜之文又無妃主命婦見太子之禮稽古令文應致恭之官相見或貴賤殊隔或長幼親戚任從私禮自今若在東宮候皇太子便服則當從私禮接見若三師以下遇皇太子誕日在御前則候皇太子先進酒畢百官望皇太子再拜班首跪進酒又再拜若賜酒即當殿跪飲畢又再拜以爲定制命頒行之十二月晦皇太子奉狀日按禮文親王并一品宗室皆北面拜伏臣但答揖而已雖曰尊宗子而在長幼停叙之間誠所未安當時遽蒙頒降未獲謙讓明日元正有司將舉此禮伏望聖慈許臣答拜庶敦親親友愛之義上從其請尚書省頒下所司若皇太子生日則公服左上露臺欄子

外先再拜二閣使齊揖入欄子內拜跪祝畢就拜與復位再拜又再拜棲臺進酒退跪候畢接盞復位轉臺與執事者再拜宣徽使以酒進皇帝親賜酒接盞稍退跪飲畢宣徽使接盞復位再拜復揖入欄子內跪揖勞受賜物畢出笏與復位再拜退更衣入殿稍東西向立皇妃等進勸生日酒皇太子跪皇妃等亦跪飲畢各再拜羣官致賀則其日賀明皆公服集於門外少詹事奏請內嚴又奏外備典儀引升座文武官臣入就庭下重行北向立典儀曰再拜在位官皆再拜班首稍前跪奏元正首祚生日則云慶誕令辰伏惟皇太子殿下福壽千秋賀畢復位典儀曰再拜宮臣皆再拜坐受分東西序立次引東宮三師于殿上三少于殿柱外北向東上立皇太子詣南向褥位典儀曰再拜師少皆再拜班首同前稱賀復位執事者酌酒一厄班首奉進樂作飲訖樂止回勸師少畢各復位典儀贊師少再拜皇太子答拜師少出皇太子就坐次引親王入欄子內一品宗室于欄子外餘宗室序班庭下拜致賀進酒如上儀皇太子答拜畢就坐復引隨朝三師三公宰執于殿上三品以上職事官于露階上四品以下于庭下北向每等重行以東爲上立皇太子詣褥位典儀曰再拜上下皆再拜畢班首少前致賀復位執事者酌酒一厄班首奉進樂作飲畢樂止如有進獻如常儀回勸三師三公餘殿上羣官則令執事者以盤行酒飲畢典儀曰再拜上下皆再拜乃答拜引羣官以次出少詹事跪奏禮畢自是歲賀爲定制

元

元以元日受群臣朝賀上壽賜宴四品以上于殿五品以下于門按元史禮樂志元正受朝儀前期三日習儀于聖壽萬安寺前二日陳設于殿庭至期大昕侍儀使引導從護尉各服其服入至寢殿前捧拜牌跪報外辦內侍入奏出傳制曰可侍儀俯伏與皇帝出閣陞輦鳴鞭三侍儀使並通事舍人分左右引擎執護尉劈正斧中行導至大明殿外劈正斧直正門北向立導從倒卷序立惟扇置于鉤侍儀使導駕時引進使同內侍官引宮人擎執導從入至皇后宮庭捧拜牌跪報外辦內侍入啓出傳旨曰可引進使俯伏與皇后出閣陞輦引進使引導從至殿東門外引進使分退押直至聖塗之次引導從倒卷出俟兩宮升御榻鳴鞭三劈正斧退立於露階東司晨報時鷄鳴畢尚引引殿前班皆公服分左右入日精月華門就起居位相向立通班舍人唱曰左右衛上將軍兼殿前都點檢臣某以下起居尚引唱曰鞠躬曰平身引至丹墀拜位知班報班齊宣贊唱曰拜通贊贊曰鞠躬曰拜曰興曰拜曰興曰都點檢稍前宣贊報曰聖躬萬福通贊贊曰復位曰拜曰興曰拜曰興曰平身曰揖笏曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰拜曰興曰拜曰興曰平立宣贊唱曰各恭奉兩班點檢宣徽將軍分左右陞殿宿直以下分立殿前尚廐分立仗南管旗分立大明門南楹俟后妃諸王駙馬以次賀獻禮畢典引引丞相以下皆公服入日精月華門就起居位通班唱曰文武百僚開府儀同三司錄軍國重事監修

國史右丞相臣某以下起居典引贊曰鞠躬曰平身引至丹墀拜位知班報班齊宣贊唱曰拜通贊贊曰鞠躬曰拜曰興曰拜曰興曰平身曰揖笏曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰拜曰興曰拜曰興曰平身侍儀使詣丞相前請進酒雙引升殿前行樂工分左右引登歌者及舞童舞女以次升殿門外露階上登歌之曲各有名音中本月之律先期儀鳳司通譜翰林院調律之丞相至宇下稱位立侍儀使分左右北向立俟前行色曲將半舞旋列定通贊唱曰分班樂作侍儀使引丞相

由南東門入宣徽使奉隨至御榻前丞相跪宣徽使立於東南曲終丞相祝贊曰溥天率土祈天地之洪福同上皇帝皇后億萬歲壽宣徽使答曰如所祝丞相俛伏興退詣進酒位尚醞官以觴授丞相丞相搢笏觴北面立宣徽使復位前行色降舞旋至露階上教坊奏樂樂舞至第四拍丞相進酒皇帝舉觴宣贊唱曰殿上下侍立臣僚皆再拜通贊贊曰鞠躬曰拜曰興曰拜曰興曰平身丞相三進酒畢以觴授尚醞官出笏侍儀使雙引自南東門出復位樂止通贊贊曰合班禮部官押進奏表章禮物二案至橫階下宣禮物舍人進讀禮物目至第二重階俟進讀表章官等翰林院史院至宇下齊跪宣表目舍人先讀中外百司表目翰林院官讀中書省表畢皆俛伏興退降第一重階下立俟進讀禮物舍人陞階至宇下跪讀禮物目畢俛伏興退同降至橫階隨表章西行至右樓下侍儀仍領之禮物東行至左樓下太府受之宣贊唱曰拜通贊贊曰鞠躬曰拜曰興曰平身曰揖

笏曰鞠躬曰三舞蹈曰跪左膝三叩頭曰山呼曰山呼曰再山呼曰出笏曰就拜曰興曰拜曰興曰拜曰興曰平立僧道耆老外國藩客以次而賀禮畢大會諸王宗親駙馬大臣宴饗殿上侍儀使引丞相等陞殿侍宴凡大宴馬不過一羊雖多必以獸人所獻之鮮及脯醢折其數之半預宴之服衣服同制謂之賀孫四品以上賜酒殿上典引引五品以下賜酒于日精月華二門之下宴畢鳴鞭三侍儀使導駕引進使導后還寢殿如來儀

明

太祖洪武二十六年定元正朝賀之禮按明會典洪武二十六年定凡正旦前一日尚寶司陳御座於奉天殿及寶案于御座之東又設香案于丹陛之南教坊司設中和韶樂于殿內之東西北向其日清晨錦衣衛陳鹵簿儀仗于丹陛及丹墀之東西設朋扇於殿內東西列車輅步輦於丹墀東西相向鳴鞭四人左右北向教坊司陳大樂于丹陛之東西北向儀禮司設同文玉帛案于丹陛之東金吾衛設護衛官于殿內及丹陛之東西陳甲士于午門外奉天門外及丹墀東西錦衣衛設將軍于奉天門外丹陛丹墀及奉天門列旗幟于奉天門外東西典牧官陳仗馬犀象于文武樓南東西相向欽天監設司晨郎報時位于內道東近北立糾儀御史二人于丹墀北東西相向內贊二人于殿內外贊二人于丹墀北東西相向設傳制宣表等官位于殿內東西相向鼓初嚴文武官員朝服齊班于午門外鼓次嚴引禮引百官由左右掖門入詣丹墀東西西北向立鼓三嚴

執事官詣華蓋殿伺候內官跪奏皇帝具袞冕陞座鐘聲止儀禮司官跪奏各執事官行禮贊五拜禮畢贊供事執事官各就位儀禮司官跪奏請陞殿駕與中和韶樂奏聖安之曲尚寶官捧寶前行導駕官前導扇開簾捲尚寶官置寶于案樂止鳴鞭報時鷄唱曉對贊唱排班班齊贊禮唱鞠躬大樂作贊四拜平身樂止典儀唱進表大樂作給事中二人詣同文案前導引序班舉案由東門入置殿中樂止內贊唱宣表曰宣表曰官跪宣訖俯伏興唱宣表展表官取表俯伏興平身序班即舉表于殿外贊唱衆官皆跪代致詞官跪于丹陛中致詞云具官臣某等茲遇三陽開泰萬物咸亨恭惟皇帝陛下膺乾納祐奉天求昌賀訖外贊唱衆官皆俯伏興樂作四拜興平身樂止傳制官詣御前跪奏傳制俯伏興由東門靠東出至丹陛之東西向立稱有制贊禮唱跪百官皆跪宣制云展端之慶與卿等同之贊禮唱俯伏興平身樂止贊唱鞠躬三舞蹈贊跪唱山呼百官拱手加額曰萬歲唱山呼曰萬歲唱再山呼曰萬歲歲凡呼萬歲樂工軍校齊聲應之贊出笏俯伏興大樂作贊四拜平身樂止儀禮司官跪奏禮畢中和樂作奏定安之曲駕興尚寶官捧寶導駕官前導至華蓋殿樂止引禮官引百官以次出又按明會典凡正旦日典璽官設東宮座于文華殿中錦衣衛設儀仗于殿外東西教坊司陳大樂于文華殿內東西西北向府軍衛列甲士旗幟于門外錦衣衛設將軍十二人于殿中門外及文華門外東西相向立儀禮司官設箋案

于殿東門外設文武官拜位于文華殿門外設傳令宣箋等官位于殿內東西執事官先行四拜禮訖各就位引禮引各官詣文華門外北向立儀禮司官啓請陞座導引官奉迎東宮具冕服出樂作陞座樂止贊禮唱班齊鞠躬樂作四拜興平身樂止唱進箋給事中前導箋案由殿東門入置殿中內贊唱宣箋目宣訖俯伏興平身唱宣箋外贊唱跪展箋官詣案前取箋宣箋官宣訖內外皆贊俯伏興平身即舉案于殿東外贊唱衆官皆跪代致詞官中道跪致詞云具官臣某等茲遇三陽開泰萬物咸新敬惟皇太子殿下茂膺景福賀畢唱衆官皆俯伏興平身傳令官跪啓傳令由東門左出至丹陛東西向立稱有令贊衆官皆跪宣令云履端之節同臻嘉慶贊俯伏興樂作四拜平身樂止儀禮司官跪啓禮畢

世宗嘉靖十六年更定元旦朝會之儀

按明會典嘉靖十六年更定元旦前一日尚寶司設寶案于奉天殿寶座之東鴻臚寺設表案二于殿之東中門外禮部主客司設番國貢方物案八于丹陛之中道左右欽天監設定時鼓于文樓之上教坊司設中和韶樂于奉天殿內東西設大樂于奉天門內東西俱北向至期錦衣衛陳鹵簿儀仗于丹陛及丹墀東西設朋扇于殿內東西陳車輅步輦于奉天門丹墀中道北向金吾等衛列甲士軍仗于午門外奉天門外丹墀東西旗手衛設金鼓于午門外列旗幟于奉天門外御馬監設仗馬錦衣衛設馴象于文武樓南東西相向欽天監設報時位于丹陛之東鼓初嚴百官具朝服齊班于午門外鼓次嚴引班官引百

官并進表人員及四夷人等次第由左右掖門入詣丹墀序立欽天監鷄唱官司晨一員于文樓下西向錦衣衛將軍六員于殿內之南北向將軍四員于丹陛四隅東西相向鳴鞭四人于丹墀中道左右北向金吾等衛護衛官二十四員于丹陛之南六員于丹墀之北俱東西相向陳設方物鴻臚寺司賓署丞一員徹方物案鴻臚寺序班十六員于丹陛中道左右外贊鴻臚寺鳴贊等官十二員于丹陛及丹墀東西糾儀御史十二員于丹墀之東西殿前侍班錦衣衛千戶六員光祿寺署官四員序班二員傳呼鳴鞭錦衣衛百戶四員俱于殿中門外東西相向導表六科都給事中二員序班二員于表案左右掌領侍衛官三員于殿內東西相向錦衣衛正直指揮一員于簾右東向百戶二員于簾下左右相向各豫立以俟鼓三嚴執事禮部堂上官并內贊鳴贊一員陳設表案并舉案序班五員典儀鴻臚寺司儀署丞一員捧表禮部儀制司官四員展表六部都察院通政司大理寺堂上官二員宣表致詞并傳制等項鴻臚寺堂上官五員捧寶尚寶司官二員導駕六科給事中十員殿內侍班翰林院官四員中書官四員糾儀御史四員序班二員及各道祭官俱詣華蓋殿外候上具宸冕陞座鐘聲止入序立遣祭官以次復命訖各趨入丹墀班禮部堂上官跪奏方物并請上位看馬候得旨復位鴻臚寺卿跪奏執事官行禮贊五拜叩頭畢贊各供事鴻臚寺卿跪請陞殿駕與導駕官前導尚寶官捧寶前行中和樂作奏聖安之曲上御奉天殿陞座導駕官立于殿內柱下東西相向侍班翰林院

官立于東導駕官之後中書官立于西導駕官之後糾儀御史序班分立于侍班官之下尚寶官置寶于案分立于導駕官之上樂止鳴鞭報時鷄唱訖外贊唱班班齊鞠躬大樂作四拜興平身樂止內贊贊進表大樂作導表官導表案至殿東中門止序班舉案入置殿中退立于東西柱下樂止贊宣表目禮部堂上官并宣表目官詣殿中跪宣畢各叩頭退贊宣表展表官取表同宣表官詣殿中跪外贊贊跪衆官皆跪宣畢展表官分東西先退內外皆贊俯伏大樂作興平身樂止宣表官退序班舉案置殿東外贊贊跪衆官皆跪代致詞官跪于丹陛中道致詞云公侯駙馬伯文武百官某官臣某等賀訖外贊贊俯伏衆官皆俯伏大樂作四拜興平身樂止傳制官詣御前跪奏傳制俯伏興由東門靠東出至丹陛之東西向立稱有制外贊贊跪衆官皆跪宣制宣訖外贊贊俯伏大樂作興平身樂止贊贊揚輶躬三舞蹈贊跪唱山呼百官拱手加額曰萬歲唱山呼曰萬歲唱再山呼曰萬歲贊出笏俯伏大樂作四拜興平身樂止鴻臚卿詣御前跪奏禮畢鳴鞭中和樂作奏定安之曲駕與尚寶官捧寶導駕官前導至華蓋殿樂止引班官引百官人等以次出序班徹方物案所司設黃幄于丹陛上陳王府及勳臣總兵官外吏所進馬匹于丹墀內禮部并鴻臚寺官立于丹墀東候上易便服御黃幄甲士行禮畢禮部官詣御道中跪奏御馬過奏畢復位候馬過詣御道中跪奏馬過畢駕還宮

欽定古今圖書集成曆象彙編歲功典

第二十二卷目錄

元日部彙考二

尚書大傳 三朝

史記 天官書正旦占

淮南子 天文訓

齊民要術 正旦雲氣

四民月令 椒觴

遼史 禮志

輟耕錄 推正月朔歌

農政全書 稼樹

遵生八牋 元日事宜 元日事忌

本草 元日事宜

事物原始 元旦 元日畫簪

酌中志略 宮中正旦

直隸志書 定平縣 良鄉縣 東安縣 昌平縣 房山縣 平谷縣 永平府 安肅縣 新城縣 深澤縣 肅寧縣 天津府 藁州 內丘縣 永年縣 曲周縣 邯鄲縣

山東志書 寧陽縣 黃縣

山西志書 孟縣 萬泉縣 壺關縣

河南志書 陳留縣 延津縣 陳州 滎陽縣 孟津縣 郊縣

陝西志書 富平縣

江南志書 江寧縣 句容縣 吳縣 長洲縣 崑山縣 嘉定縣 松江府 武進縣 無錫縣 靖江縣 金壇縣 高郵州 泰州 如皋縣 通州 懷寧縣 興縣

大和縣 廣德州

浙江志書 杭州府 烏程縣 長興縣 天台 溫州府 龍泉縣 永康縣 江山縣 桐廬縣

江西志書 鉛山縣 永豐縣 德化縣 瑞州府 萬載縣 德安府 江陵縣 監利

湖廣志書 崇陽縣 巴陵縣 新田縣 海澄縣 建寧

福建志書 福州府 建寧府 建寧

四川志書 長壽縣 涪州

廣東志書 新安縣 普寧縣 石城縣 臨高

雲南志書 順寧府

元日部藝文一

朝會賦

正會賦

元日獻椒花頌

元日觀上公獻壽賦

元日觀上公獻壽賦

送董提舉楷歲節酒啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

回諸郡賀年啓

凡候歲美惡謹候歲始歲始或冬至日產氣始萌臘

明日人衆卒歲一會飲食發陽氣故曰初歲正月旦

王者歲首立春日四時之卒始也四始者候之日而

漢魏鮮集臘明正月旦決八風風從南方來大旱西

南小旱西方有兵西北戎菽爲小雨趣兵北方爲中

歲東北爲上歲東方大水東南民有疾疫歲惡故八

風各與其衝對課多者爲勝多勝少久勝而疾勝徐

且至食爲麥食至日晷爲稷晷至備爲黍備至下備

爲菽下備至日入爲麻欲終日有雨有雲有風有日

日當其時者深而多實無雲有風日當其時淺而多

實有雲風無日當其時深而少實有日無雲不風當

其時者稼有敗如食頃小敗熟五斗米頃大敗則風

復起有雲其稼復起各以其時用雲色占種其所宜

其雨雪若寒歲惡是日光明聽都邑人民之聲聲宮

則歲善吉商則有兵徵旱羽水角歲惡

注四時卒始索隱曰謂立春日是去年四時之終

卒今年之始也四始候之日正義曰謂正月旦歲

之始時之始日之始月之始故云四始言以四時

之日候歲吉凶也魏鮮孟康曰人姓名作占候者

戎菽爲孟康曰戎菽胡豆爲成也

淮南子

天文訓

以日冬至數來歲正月朔日五十日者民食足不滿

五十日日減一十有餘日日益一升

齊民要術

正旦雲氣

正月朔旦四面有黃氣其歲大豐此黃帝用事土氣

元日事宜

香等分咬咀煮湯沐浴辟除不祥可降神靈并治頭

數來或數歲一來國人莫不洒掃門戶以望其來或刻金寶爲其狀置戶牖間則鬼類自服今人于元旦

刻畫雞形于戶上蓋其遺像也今人于正日畫雞于門貼人于帳正謂此也

宮中正旦

正月初一日正旦節自年前臘月二十四日祭竈之後宮眷內臣俱穿葫蘆景補子及蟒衣

直隸志書各省風俗同者不載

宛平縣

正月元旦五鼓時百官入朝行慶賀禮民間亦盛服焚香禮天地祀祖考拜尊長及姻友投刺互答曰拜年比戶放爆竹徹晝夜竿標燈樓揭以松柏枝夜燃之曰點天燈市井男女以繫穿烏紙畫綵爲鬧蛾兒簪之

良鄉縣

正月元旦祀神祀先換新衣謁官師拜尊長親識往來交拜候陰晴觀日色以占年歲豐歉預治餽蔬三日內不煮生不煎炒迎喜神貴神

東安縣

正月歲首祀神祀先親詣墓所畢賀新年敬尊長更相賀歲歡飲隆師迎女追節媚婦貼宜春字

昌平州

孟春月元旦昧爽設香燭牲體祀神祇祖先家人稱壽日罷市咸里相賀三日後遇吉開市

房山縣

正月元旦預期爭誇錯叢酒果可以供數日之用客至卽留極其款洽

平谷縣

元旦五更初起竈前先具香燭謂之接竈

永平府

元日官府望闕遙賀禮畢盛服詣公署往來交慶士民家昧爽設庭燎焚香燭奠祀真宰祖福仍設於堂供獻家人卑幼拜家長舉觴稱壽貴家熬丹藥戶內謂之辟瘟喧鼓吹于庭院謂之鬧廳熾果炭于堂中以迎旺氣旦日出占色紅晴及西南風收菊秋霞紅主絲貴霜重有雪主夏秋大旱雲霧兵動人災取除夕所置百種而量較之出息者豐穫啓視稽豆而次數之以粒上月潤者其月雨乾者其月旱人飲水主五穀丹黃忌之戶前置水則主消災所插芝麻稽主門戶清吉諸福咸臻所風具餽饌可供三日用咸里閉門罷市盛服交賀甥壻來謁留飲

安肅縣

元旦卜杓以占一歲之豐凶觀東方氣色以驗一歲之休咎

新城縣

元旦以日出紅包占收高糧霜多占收棉花

深澤縣

元旦門前多立高竿懸輕羽于上謂之占風

肅寧縣

元旦子時設盛饌同享各食扁食名角子取更歲交子之義昧爽詣各廟謁神風從東來夏糴賤風從南來夏糴賤主旱風從西來春夏米貴豆熟風從北來水災風從西南來收菊林

吳橋縣

元旦拜節貴賤通行今本縣拜節惟壻爲甚有信宿

而歸者有數日而歸者有至元宵前後而歸者諺云有心拜節寒食不遲兒童有打核桃者有擊壤者有雛扮帶鬼臉者戲亦多端賭賽之風熾不能禁也歌曰輪贏帶歲幾文錢

天津衛

元旦親戚鄉里交拜履新互相設席名曰喫年茶

冀州

正旦五更具牲醴香燭迎祭神祇祭祖先兒童放紙炮謂之響歲親朋留飲曰賀春

內五縣

元旦門設神茶鬱壘象剪綠羅曰迎新歲

永年縣

元旦婦女埋炭籬于厠十六日取出糊紙爲面著女衣問休咎以叩頭爲驗曰戚姑娘或曰卽戚姬也

曲周縣

元旦賀歲室中禁掃除五日罷市士民初見相揖各道吉祥小兒女綵服競擊鼓嬉戲

邯鄲縣

元旦拜其祖先父母訖卽拜閭族親友凡相識俱到門致聲五服之內面見拜禮皆在本日遠者不拘至初三日往奠先塋亦拜賀之意也

山東志書

寧陽縣

元旦共食饅餠號曰填倉

黃縣

元旦五夜早起明燎俗名烙庭草室中火燒辟瘟丹山西志書

于縣

元旦夜半焚草以驗四方豐歉跌簪樣三聲以示震動絲蠶之意

萬泉縣

正旦前夕士民皆祭其先期懸黃紙錢于闌旁夜半祭畢焚紙酹酒闌旁者亦焚之酹湯酒或即古祭勅之意也比鷄唱各懸黃紙于長竿以祀天曰接天神又麻竿木炭懸之曰去瘟疫

壺關縣

正旦閭巷雖有親厚者例不拜

河南志書

陳留縣

正月元旦天井中橫木壓以青石名為壓千魴

延津縣

元日邑中士民必令尹先于臘月製桃符及刷門神無限比閭皆請官賜以為一年吉兆有不獲者大為失色謂一年無以厭不祥

陳州

元旦設庭燎燒榆柳木根謂之煙歲

榮陽縣

元日味爽設祭品作蘆軒插竹于庭拜天禮神燭柏柴儼以逐疫

孟津縣

元日吹麝象蘭以祈蠶功

郊縣

元旦五鼓時門前各插路燈一枝如元宵

陝西志書

富平縣

每族遡宗祖數世者共為畫像名曰神軸元日子孫會拜禮訖釀金會酬歡飲之曰節坐二日各親黨以麪食豚肉相贈曰拜節

江南志書

江寧縣

元旦秣陵貴家房門貼畫雄雞

句容縣

春正月歲首長少風輿祀神祇禮先人遺像以拜宗族鄰里傳果酒是午即拜墓插松枝於各門戶取長久青翠意牧人試其犢

吳縣

元日通元寺多士庶禮拜觀音大士

長洲縣

元旦占候風雲風自東南來歲大稔東風次之東北又次之西則歉西北有紅雲氣則稔白則歉諺云歲朝烏泚禿高低田稻一齊熟

崑山縣

歲朝農家取瓦瓶汲淨水秤之以日當月一日一易水秤至十二日以評一歲若此日水重則是月有水極有效驗

嘉定縣

正月元旦以炒虛豆與人謂之有投湊燕粟炭于堂中謂之旺相插冬青柏枝芝麻其于簷頭謂之節節高

松江府

元旦侵晨占風雲雲青為蟲白為兵赤為旱黑為水

黃為豐年東北風大熟又視天氣明暗有雲而暗主豐年連三日天陰人民安蠶麥十倍連五日雨亦主大熟

武進縣

元旦拜祠堂黎明率子弟羣拜于祠先大宗次小宗焚香上茶設粉餌無祭拜神影于先像奉供堂中事如生禮設祭奠酒凡葷蔬粉米之屬罔不具每日三飯凡三日復卷藏之看新曆新年慎出行無遠近必諏吉日故首視之燒城隍廟香八廟香俗好祀城隍神元旦尤甚早暮人爭趨如堵牆香烟蔽翳如霧次及八廟神八廟者元帝后稷吳季子漢壽亭侯張睢陽陳司徒晏公及五顯之神也五顯五行真氣無姓名宋大觀中賜廟額曰靈順喫長壽麪長壽麪無少長皆食食必自祝拜年拜年投帖道路紛紛親串遇于塗者揖會于家者拜至人穀日方止放開門爆仗宋東京錄駕前呈百戲每一齣畢作霹靂一聲謂之爆仗凡御前供奉皆曰仗故爆亦曰仗也武邑元旦啓戶放爆仗三聲尚金錢為兆蓋置五色紙錢于爆中發之謂滿地踏金錢滿城遞響如崩瓦裂石迎喜神早起向喜神方立片晌出行首必迎之鶴神則謹避陰陽家除夕預榜于塗不掃地元旦戒不掃地即掃必向內勿除垢穢于外常見唐書載此事云恐掃去如願如願吉鬼吃糖圓滾粉酒水轉旋之簸匾之中丸如彈子而差小和糖羹之舉家咸食取團圓也點家堂香燭家堂置大門內若懸之空中祀無定神大約多不在祀典者著新衣裳無論貴賤俱易新衣冠兒童袞袞逾以驕人

爲笑樂其不能易者浣濯之 買泥人人鬼臉子搏

土作人物形工且肖惟梁溪虞山人多造之鬼臉子

即昔人云面具也二者兒童爭購笑舞 敲鑼鼓兒

童自元日至元宵手不停鑼鼓擊一鼓而羣鑼周遭

之謂闌元宵其聲以有節者爲上然不必有師受

闌店門元旦至初五店家俱閉戶如罷市然或垂簾

箔以判内外衣香鬢影咄咄逼人 載松柏枝剪松

柏小枝如花朶漬以青絲繞以紅絲微下垂之如落

索婦人戴髻上取益壽 請年酒元日至元宵親朋

酬酢無虛日街頭醉舞如狂者比比 跳獅子一人

作獅子狀昂首掉尾跳舞門庭一人作獅鬚鳴鉦唱

歌祝嘏詞刺刺不休 不穿針線女子相戒竟日不

穿針線于義莫知何指 把筆晨起檢紅箋書歲朝

把筆如意大吉等字粘之座右能詩者作詩以紀歲

華

無錫縣

歲元日市皆闔戶盛服賀年他邑祝壽者例以其人

之生日錫故事獨計一歲之中合若干家則列其目

而于歲初畢賀云

靖江縣

元旦親戚黨里肅衣冠交拜履新並爲醺聚

金壇縣

元旦天臘節風興男婦各盛服拜天神祖先畢親戚

賀歲飲屠蘇酒

高郵州

正旦男女風興繞屋廬皆爆竹震蕩黎明始啓戶男

泰州

元旦寅夜即起詣各廟拜送香紙道路絡繹不絕姻

族椒酒相邀

如皋縣

元旦五鼓起拜天地焚天官賜福牌拜家堂祖先畢

徧謁親鄰賀新禧晚聚男女老幼共坐飲椒柏酒是

日不討火不汲水不掃地元旦後遞相邀飲白孔六

帖所謂傳生酒也

通州

元旦早起燔桃柴設香案禮天地家神

懷寧縣

元旦交拜于親屬僚友謂之慶節彼此要飲謂之年

飯小兒至人家遺以蒸餅餠果不令空返又是日不

以生米爲炊蒸年前熟飯食之不傾水于地不洒掃

不與人錢物不形怒色于卑幼下人又清晨聽鳥聲

辨養雞鷄謂鵲噪則雞羣鳴則鷄著也

巢縣

春元旦罷市燕飲剪色紙爲花謂之綵勝懸於戶外

獻歲三日祭司門之神焚綵勝然後開市

太和縣

元旦男女聚食謂之填倉

廣德州

元日視歲吉所向拈香神廟曰踏喜

浙江志書

杭州府

元旦以米團餉衆謂之歡喜團影堂日夕兼供茶飯

吉

烏程縣

元旦晚鄉村以長竿束草于上燒之鑼鼓相喧名慶

田登有許天燈者懸之于竿久者至二月三日止

長興縣

元旦家設楮馬香燭及糕果于中堂名曰接天

天台縣

元旦夙興焚香拜天地五祀祖先然長壽燈啜五味

粥以祈五福

未康縣

元旦尊卑長幼以序而拜曰團拜拜畢出大門避三

殺及退方向吉而行百餘步乃返曰轉脚

江山縣

正月元日賀歲三日乃已遇晴齋擣榼登山覽勝

桐廬縣

桐俗旦日或置香案或用桌預設花燭茶果等物舉

家長幼男女皆夙興盛服擇吉時開門化紙叩拜天

地以祈一歲之祥名曰燒清錢

溫州府

歲朝初旦戶不分貧富皆潔衣服焚香燭于庭祀先

畢序拜尊長然後出謁親族鄰里或留飲自一日至

五日謂之節假交相展慶市不貿易

龍泉縣

正月初一日天色晴明穀熟人無病寇賊息陰雨人

災水澇花果不實大雪穀麥熟牛馬大羊災菜少人